



Das ander Theil.

122

Nach jrer narung selber gehn/
 Bis sie mit listen auch bestehn/
 Für den Jägern vnd seinen hunden/
 Vnd reissen auß zu allen stunden/
 Vnd darmit auch gelernet han/
 Wenn sie für erbar person sollen gahn/
 Vnsers oder anderer Thier geschlecht/
 Das sie sich können halten recht.

Grimhart sprach: Ja es ist ein ehr/
 Vnd mag sich einer freuwen sehr/
 Das einer solche Kinder hat/
 Mit den er für den Leuten bestat.
 Damit schieden sie all ghen Beth/
 Bis das der Tag her scheinen thet/
 Da sprach Reinicken zu seinem Weibe/
 Frau ich befehl euch allen bey leibe/
 Das jr allsamt wol halten hauff/
 Vnd wol bewart Malepartaus.
 Ich muß gehn hofe mit Grimhart/
 Damit machten sie sich auff die fart.

Hieraus merck.

Für das erste / Das ein grosse Ehr
 vnd auch Lust ist / fromme / gehorsame /
 dächteige / vnd wolgezogene Kinder ha
 ben. Es ist aber ein thörlich ding / das einer
 Q ij seine

246

244

250

240

255

235

295

195

345

145

Ende

Anfang